

7. Trobada vivar en aragonés 26, 27 y 28 de Mayo Panticosa



Micro talleres - Teatro -
Cambadetas - Musica -
Instalación software en
aragonés - Chuegos activos -
Photocall - Cuenta cuentos -
Birolla Km.0
Viene-te-ne!!!



7. Trobada

Vivir en aragones

Vola dende Bachimaña, A romanza d'un pastor,
a posar-se en Panticosa, en do ye ro suyo amor.
Y de tu Caldarés que ya plega la nieu
y a escape se'n va ro verano
que con ella seremos, sin ella yo muero
que ye muito ro que yo l'amo.

Grupo folklorico de Sallent de Galligo.

Unotra vez nos chuntamos un cabo de semana a charrar nomás en ista polida y quiesta luenga nuestra, con a men ubierta como siempre y mirando d'escusar as barallas que empachan que vaiga enta debán como ye de dar. Ista vez emos trigau a val de Tena pa fer as actividaz que creyemos que pueden intresar a la chen. Igual como en a resta d'ocasions a ideya d'a trobada ye chuntar-nos y convertir o lugar ta do imos mientras dos días en un punto d'aprendizache d'a luenga a traviés d'o prozeso d'inmersión lingüística pa tot y tota qui quiera partizipar-ie.

Emos mirau d'embrecar pa que nos aduyen a ufrir as actividaz que se planteya en iste programa, en a mida d'o posible, a chen local y d'a redolada, asinas pues, contaremos con a presenzia de muitas personas de reconoixiu prestichio en o mundo de l'aragonés y vinculaus con a zona en que imos a movernos; Panticosa y O Pueyo de Tena. Amás, ufrimos menús feitos de raso con productos aragoneses pa ras chentas y zenas a un pre bien asequible pa as partizipans que bi vienga.

Pa ista ocasión colaboran con nusotros d'una forma importantán o conzello de Panticosa y a comarca de l'Alto Galligo, que dende que contactemos con ellos, d'a mesma traza que en os anteriors lugars que somos estaus, nos han ubierto as puertas bataleras pa que bi isenos a luitar por o que ye nuestro, que ye a luenga en que charramos. Asinas mesmo emos feito sinerchia con a chent de l'asoziazión cultural de Panticosa que desembolica mientras os días anteriors y ixé mesmo cabo de semana una ripa d'actividaz dintro d'a semana cultural, de feito, emos incluiui aquí bella actividat organizada por els y ellas.

Aguardamos que o cabo de semana que emos montau resulte d'o vuestro interés.

Trobada.

Prau de barallas

L'asoziazión Trobada se considera un colectivo de chen que treballa por a luenga aragonesa, indistintamén de cómo s'escriba. No queremos posicionar-nos en contra de denguna d'as asoziazions que presentoron propuestas graficas, ni amolar un buen treball por estar escrito d'una u otra traza, porque consideramos que totas ixas asoziazions son amigas y compañeras en ista luita que tenemos por debán que no ye otra que sacar a l'aragonés d'o feixón en que por desgrazia ye meso a día de ue.

Baixo ixé criterio d'estar imparzials, emos preso a dezisión d'escribir iste programa con a propuesta de grafía presentada por os tres lingüistas trigatos por as tres asoziazions prinzipals en o prozeso que ubrió a Direzió Cheneral de Politica Lingüística, talmén a propuesta no faga goyo a toz, lo sabemos, pero a la fin no ye que una traza d'escribir o que toz charramos, por ixé motivo emos dezidiu d'esleixir-la en pro d'o consenso y de manera provisional dica que una academia constituita por expertos en faga una ofizial azeptada por toz.

Como de cutio, o esprito de Trobada ye respetar a traza d'escribir de cadaguna d'as personas que i partizipa, igual como as suyas opinions, creyemos que ye o momento de deixar a un costau ro conflicto grafico y luitar toz de conchunta por un futuro en aragonés. Ya ye prau de barallas.

Trobada

Inscripción:

Cualquiera que conoixca l'aragonés, rai a qué libel, qué variedat y con qué grafía lo escriba, se puet apuntar en ista setena trobada. Lo importán ye fer un poder por comunicar-se nomás en aragonés mientras tot o cabo semana pa asinas aconseguir de raso a inmersión lingüística.

Pa fer-lo fa falta replenar o formulario antis d'o martis 23 de mayo en a siguién adreza d'internet:

<https://goo.gl/forms/CstTdQa0oSc3CpQH3>

Tamién se puet fer de camino a través de l'internet d'o telefono mobil con o mesmo vinclo díalto.

Contra antis s'inscriba cadaguno millor ya que asinas a organización se va fendo una ideya de cuántos partizipans bi abrá, mas que mas por tema de materials, lo-chística y organización.

Tot o programa tien actividaz aptas pa os ninos y as ninas, manimenos, serán as propias familias qui asuman a responsabilidad d'els y ellas ya que a organización no se'n fa cargo.

Si bi ese bel problema pa replenar o formulario, no dandalez en meter-vos en contacto con cualquiera d'os organizadors (mirar-se mas abaixo a sezió de contacto)

Código de conducta

Con a inscripción en a trobada, os partizipans pillan o compromís de respetar una serie de puntos, clame-mos-los "normas" si queremos, que son d'o sentito común y fundamentals pa que bi aiga un ambién de convivencia sana. Os puntos que fa falta respetar, a r menos, son os siguiens:

- O suenio d'a chen. En os lugars bi ha puesto pa tot, pa ra fiesta y pa o descanso, aguardamos que a chen que siga de fiesta respete a qui quiera adormir y no se faga masiato estrapaluzio de nueits.
- Os horarios d'as actividaz programadas. Prau que cada persona ye libre d'eseleixir si quiere partizipar u no pas en cada actividat, pero si se i partizipa fa falta tener presén que dezaga de cada actividat bi ha muito trebalo, si se'n empezipia tardi cualquiera, a resta se'n retarda.
- A tota ra chen d'arredol, partizipe u no pas en a trobada. Ye por dem-s dezir que s'abrá de respetar a ras personas que son convivindo con nusatros y nusatras, tiengan as condizions personals que tiengan.
- A opinión d'otri. Encara que no se siga d'aluerdo con

a opinión que tienga otri, ye menester respetar-la. Ye aconsellable de debatir sobre cualquier tema que no se siga d'aluerdo, pero sin dentrar en pleitos y sin devantar a voz.

Imos a mirar de fer entre totas as personas que femos parte de Trobada un espacio libre d'agresions de cualquiera mena en que toz y totas nos sintamos bien, tiengamos as mesmas opziions tot y que amostremos as nuestras diferencias enriquendo-nos d'as nuestras esperiencias.

Transporte

S'organizará autos entre toz os partizipans pa ir ta Panticosa y O pueyo de Tena y mover-se-ne por astí. Iste sistema ye o mesmo que s'ha emplegato en totas as trobadas anteriors y siempre ha funzionato bien.

Aloix:

Cada partizipán reserva o suyo aloix an quiera zerca d'o lugar, As opziions que proposamos por zercanía son:

Alberde d'o Pueyo de Tena

C/ Caldarés, 15
22662 O PUEYO DE TENA (Uesca)
974 487 045 / 974 487 329
info@alberguedelpueyo.es

O pre ye de 18,70 euros por persona y nueit con desayuno incluido. En l'alberde bi ha m-s de 100 plazas. Si s'eseleix ista opción fa falta trayer-ie saco d'adormir. En rechimen de pensión completa (dende a zena d'o viernes dica o desayuno d'o domingo), o pre ye de 69 euros por persona.

Casa Escolano d'o Pueyo de Tena

22662 Plaza Mayor, 12
O PUEYO DE TENA (Uesca)
974487015
reservas@casaescolano.com

O pre ye de 30 euros por persona y nueit sin desayuno incluido y de 35 euros con o desayuno .

Hotel Casa Morlans (Panticosa)

C/ Sant Miguel, s/n
22661 PANTICOSA (Uesca)
974 487 057 / 628 753 188
info@casamorlans.com

Prau que tamién podez mirar-vos l'aloix en belotro puesto d'a redolada.



Desayunos, chentas y zenas:

Os desayunos se farán en os puestos an a chen aduerma, u en bars d'a zona si en o cubillar no s'ufre ixte servizío. A resta de chentas se farán en l'alberde d'o Pueyo de Tena con os pres siguiens:

- Zena d'o viernes: 12 euros por persona.
- Ensalada aragonesa (con pimientos y olivas negras)
- Lechal tensino a o furno con trunfas
- Sopetas

- Chenta d'o sabado: 12 euros por persona.
- Migas a ra pastora
- Caldereta de carne a ra pastora
- Trena d'Almudevar

- Zena d'o sabado: 13 euros por persona.
- Fritada de verduras
- Alloarriero
- Tarta de formache con confitura

- A chenta d'o domingo será libre en o puesto que cadagún quiera. As actividaz rematan en Panticosa.

En totas as chentas y zenas organizadas bi abrá opción vechetariana y vegana, asinas como intolerancias y alerchias, pero fará falta d'aber-lo avisato en o formulario d'inscripzió. En estos casos contra antes millor. Amás, pa ras chentas y as zenas s'ufre menú de productos aragoneses.

Microtallers.

O sabado de maitins s'ufre cualques actividaz pa grans entre as que cada persona en triga dos, una pa ra primera sesión y unotra diferén pa ra segunda. As dos sessions de cada taller tienen os mesmos contenitos. Os microtallers ufiertos son os siguiens:

- Aprender a luenga fendo comedia. Impartito por Luis Vitera
- As características propias de l'aragonés panticuto. Impartito por Francho Nagore.
- Preposiziós y rechimen preposizional. Impartito por Francho Rodés.
- Os ordinadors tamién charran aragonés. Impartito por SoftaragonÈs.

En o formulario d'inscripzió s'abrá d'ordinar cada microtaller por preferenzia, dende l'un dica o zagüero, estando 1 o taller preferito y o zagüero lo menos preferito. Miraremos d'equilibrar o numero de partizipans en cada microtaller pa que en toz bi aiga chen mientras as dos sessions dando prioridat a las opciones esleixidas por orden d'inscripzió.

Contacto:

Pa cualsiquier dandolo ros contactos d'os organizadors son os siguiens:

* Chorche Pérez (a partir d'as 17:30h.): 647 036 685

* Anchel Reyes (de tardis dende as 17:00h. dica ras 21:00h.): 691 305 169

Tamién puez escribir un correu electronico a trobadavivirenaragones@gmail.com y te responderemos en a mayor brevedat posible.

Programa d'a trobada



viernes, 26 de mayo:

- 18:00h. Plegada y photocall en o zentro sozial A fajuala de Panticosa.
- 19:00h. Introdución a ro panticuto por chen d'a redolada, coordinau por Óscar Latas.
- 20:00h. "Mullers" Lecturas teatralizadas d'o grupo de teatro "De qué coda" de Samianigo.
- 21:30h. Zena en l'alberde d'O Pueyo de Tena.

sabado, 27 de mayo:

- 9:00h. Desayuno.
- De 10:00h. a 11:30h.:
 - * Pa ninos y ninas: Chuegos en a plaza d'OPueyo de Tena a cargo de Manuel Campo.
 - * Pa grans: Primer sesión de microtallers en l'alberde d'O Pueyo de Tena (mirar-se a sezión de microtallers).
- De 12:00h. a 13:30h.:
 - *Pa ninos y ninas: Taller de filar y teixer con una colla de filanderas panticutas.
 - * Pa grans: Segunda sesión de microtallers en l'alberde d'O Pueyo de Tena (mirar-se a sezión de microtallers).

- 14:30h. Chenta de conchunta en l'alberde d'O Pueyo de Tena.
- 19:00h. Representación d'a obra "Tierra negra" a cargo d'o grupo de teatro Fosca de lera.
- 21:30h. Zena en l'alberde d'O Pueyo de Tena.
- 23:00h. Conzierto d'o grupo zaragozano Gaire.

domingo, 28 de mayo:

- 9:00h. Desayuno.
- 10:00h. Cursa interpretativa por os camins dende o Pueyo enta Panticosa , dirichida por Rafel Vidaller. O ritmo será pando conque l'actividad incluye a os ninos y as ninas.
- 12:00h. Ronda xotera tradicional con repertorio en castellano y aragonés. Organiza l'agrupación folklorica de Panticosa dentro d'a semana cultural.
- En rematar, Chenta libre y ta casa.



A organización se reserva o dreito de cambiar cualquier acto d'o programa por cuestiones de disponibilidad.

Organiza: Trobada.
Colaboran: O conzello de Panticosa y a Comarca de l'Alto Galligo.

